



Broj: 04-40-1-135/25  
Sarajevo, 16.05.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 15.05.2025. do 08:30 sati 16.05.2025. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 15.05.2025. godine u 17:20 sati, od Policijske stanice Ilijaš, da su ispod Kadaričkog mosta pronađene dvije ručne bombe.

Informacija je prenesena Timu za UES Federalne uprave civilne zaštite, koji su pronađena ubojna sredstva preuzeli i zbrinuli.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 intervencija i to: jedna intervencija na gašenju zapaljenog niskog rastinja, dvije intervencija na gašenju zapaljenog otpada, jedna intervencija na gašenju zapaljenog motocikla, jedna intervencija na gašenju zapaljenih el. instalacija, jedna tehnička intervencija (asistencija policiji) i 6 obezbjeđenja (5 pretakanje goriva na Međunarodnom aerodromu Sarajevo i jedno obezbjeđenje događaja iz domena kulture).

**Općinski operativni centar civilne zaštite Stari Grad:** Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 15.05.2025. godine, utvrdili su slijedeće stanje:

## **1. Lokalitet "Curine njive" (Opština Istočni Stari Grad / Općina Stari Grad Sarajevo – Bostarići)**

Geološke promjene: Uočene su izražene geološke promjene, uključujući formiranje pukotina usljed pomjeranja tla, koje pokazuju tendenciju kontinuiranog širenja i produbljivanja.

Hidrološki uticaji: Prisustvo podzemnih voda dodatno doprinosi nestabilnosti tla, uzrokujući formiranje plavnih površina i intenzivnu eroziju zemljišta u pravcu stambenih objekata u ulici Ablakovina.

Nadzor: Na terenu je uspostavljen 24-satni nadzor radi osiguranja pravovremene reakcije u slučaju potrebe za hitnom evakuacijom.

Ocjena rizika: Lokalitet je ocijenjen kao najkritičniji zbog intenzivnih i dinamičnih geoloških procesa te zahtijeva pojačan i kontinuiran monitoring.

## **2. Lokalitet "Knjeginjac" (Opština Istočni Stari Grad)**

Stanje deponije: Nije zabilježeno novo odlaganje građevinskog materijala, ali je uočeno slijeganje postojećeg deponijskog materijala uz početne znakove erozije.

Nadzor: Lokalitet je pod stalnim nadzorom Službe civilne zaštite.

Radovi: Opština Istočni Stari Grad okončala je izgradnju pristupnog puta do lokaliteta "Curine njive". Trenutno se izvode radovi na drenažnim kanalima radi odvodnje površinskih voda i stabilizacije terena.

Ocjena rizika: Slijeganje deponijskog materijala i pojačana erozija uslijed atmosferskih uticaja.

## **3. Lokalitet "Bistrički potok" (Općina Stari Grad Sarajevo – Boguševac / Opština Istočni Stari Grad)**

Stanje korita: Korito potoka je i dalje djelimično zatrpano zemljano-kamenim materijalom i obrušenim stablima.

Degradacija: Nisu evidentirane nove degradacije, niti su poduzete aktivnosti na uklanjanju postojećih prepreka.

Nadzor: Provodi se kontinuirani terenski nadzor radi identifikacije potencijalnih rizika i sprečavanja daljnje destabilizacije terena.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

## **4. Evakuacija stanovništva s ugroženih područja**

Na osnovu Naredbi Štaba civilne zaštite Kantona Sarajevo (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.**

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 76%, barometarski pritisak 938,7 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a